



Broj: 11-19-11-2-1821/25

Datum: 04.11.2025. godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavki za 2025. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke informatičke opreme

1. Prihvata se prijedlog Komisije za provođenje otvorenih postupaka nabavki u postupku Javne nabavke informatičke opreme, te se Ugovor dodjeljuje ponuđaču PRINTEX d.o.o. Sarajevo, prema Ponudi broj: 24/25 od 10.07.2025. godine, nakon provedene e-Aukcije po ukupnoj cijeni u iznosu od 204.500,00 KM bez PDV-a.
2. Ovom Odlukom stavlja se van snage Odluka o izboru najpovoljnijeg ponuđača u postupku Javne nabavke informatičke opreme broj: 11-19-11-2-1821/25 od 19.08.2025. godine, kojom je ugovor za navedenu nabavku dodjeljen ponuđaču MOON d.o.o. Zenica, prema Ponudi broj: 09-07-25/2 od 09.07.2025. godine, nakon provedene e-Aukcije po ukupnoj cijeni u iznosu od 187.000,00 KM bez PDV-a.
3. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
4. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-1821/25 od 10.06.2025. godine.
5. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
6. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke informatičke opreme, koji je proveden po Obavještenju o nabavci broj: 1412-1 -1-159-3-100/25 od 11.06.2025 i Ispravci za obavještenja o nabavci broj: 1412-1-1-159-8-102/25 od 16.06.2025. godine, objavljenom u "Službenom glasniku BiH" broj: 37/25, dana 20.06.2025. godine.

Procijenjena vrijednost Javne nabavke informatičke opreme iznosi 205.863,25 KM bez PDV-a.

U postupku pregleda i ocjene ponuda za Javnu nabavku informatičke opreme, Komisija je utvrdila su u određenom krajnjem roku za dostavljanje ponuda za navedenu nabavku pristigle ukupno (4) četiri ponude i to: Ponuda ponuđača C SERVIS d.o.o. Sarajevo broj: 250702-01/MJ od 02.07.2025. godine sa

ponuđenom ukupnom cijenom u iznosu od 204.553,00 KM bez PDV-a, Ponuda ponuđača PRINTEX d.o.o. Sarajevo broj:24/25 od 10.07.2025.godine sa ponuđenom ukupnom cijenom u iznosu od 205.860,00 KM bez PDV-a, Ponuda ponuđača MOON d.o.o. Zenica broj:09-07-25/2 od 09.07.2025.godine sa ponuđenom ukupnom cijenom u iznosu od 205.863,00 KM bez PDV-a i Ponuda ponuđača KAMER COMMERCE d.o.o. Sarajevo broj:1044/25 od 09.07.2025.godine sa ponuđenom ukupnom cijenom u iznosu od 205.000,00 KM bez PDV-a, kao i da su ponude navedenih ponuđača formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

Budući da je za navedenu nabavku predviđeno provođenje e- Aukcije, Komisija se pismeno obratila Sektoru za finansije i javne nabavke radi provođenja iste, te je zaprimljen Izvještaj o toku i završetku e-Aukcije broj:1412-1-1-159/25 od 08.08.2025.godine za Javnu nabavku informatičke opreme, iz kojeg proizilazi da su prema konačnoj rang listi ponuđača koji su učestvovali u e-Aukciji ponuđač MOON d.o.o. Zenica za navedenu nabavku ponudio najnižu ukupnu cijenu u iznosu od 187.000,00 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., ZJN BiH za Javnu nabavku informatičke opreme predložila da se donese Odluka o izboru najpovoljnijeg ponuđača i ugovor dodijeli ponuđaču MOON d.o.o. Zenica, prema Ponudi broj: 09-07-25/2 od 09.07.2025.godine, nakon provedene e-Aukcije po ukupnoj cijeni u iznosu od 187.000,00 KM bez PDV-a, što je konstatovala u Zapisniku o pregledu i ocjeni ponuda od 05.08. i 19.08.2025. godine, te je Ugovorni organ donio Odluku o izboru najpovoljnijeg ponuđača broj: 19-11-2-1821/25 od 19.08.2025.godine.

U navedenom postupku, ponuđač PRINTEX d.o.o. Sarajevo je po Advokatskom društvu Eterović d.o.o. Sarajevo izjavio žalbu na navedenu Odluku o izboru najpovoljnijeg ponuđača koja je od strane ugovornog organa u skladu sa članom 100., 105. i 108. ZJN BiH, zajedno sa izješnjenjem o žalbi dostavljena Uredu za razmatranje žalbi BiH, nakon čega je pomenuti Ured donio Rješenje broj:JN2-03-07-1-1414-7/25 od 09.10.2025.godine, kojim je poništena Odluka o izboru najpovoljnijeg ponuđača broj: 19-11-2-1821/25 od 19.08.2025.godine i predmet vraćen ugovornom organu na ponovni postupak.

U skladu sa navedenim Rješenjem Ureda za razmatranje žalbi BiH, Komisija je izvršila ponovni pregled i ocjenu ponuda u postupku Javne nabavke informatičke opreme.

U postupku ponovnog pregleda i ocjene Ponude ponuđača MOON d.o.o. Zenica broj:09-07-25/2 od 09.07.2025.godine, Komisija je utvrdila da je navedeni ponuđač u sklopu svoje ponude na strani 10. ponudio „Microsfot Office Profesional Plus 2021 - FPP“, što nije moguće isporučiti jer navedeni softver ne dolazi u FPP pakovanju, a što je vidljivo iz originalnih brošura Microsfot Offica koje je uz svoju ponudu dostavio ponuđač MOON d.o.o. Zenica i ovjerio svojim pečatom. Na stranici 117. ponude ponuđača MOON d.o.o. Zenica na izvodu iz originalne brošure Microsfot Offica, vidljivo je da Microsoft Office 2021 Professional plus dolazi samo u paketima CSP (Cloud Solution Provider) i Volume licensing agreement, što nije u skladu sa zahtjevom iz Aneksa 2. Tenderske dokumentacije kojom je traženo da „Svaka radna stanica mora da ima instaliran/preinstaliran operativni sistem (Windows 10 Pro ili višu verziju) i MS Office (Bussines ili Professional retail paket), a cijena licence da bude uključena u cijenu radne stanice uz navođenje da se Paket MS Office 365 u FUP-u ne može koristiti.“ Isti zahtjev detaljnije je naveden u Tehničkim karakteristikama opreme na stranicama 19. – 24. Tenderske dokumentacije, gdje je uz tehničku specifikaciju svakog pojedinačnog uređaja uvijek navedeno: „Ostali software: Instaliran licenciran MS Office (min. Retail / FPP Business paket)“

U skladu sa naprijed navedenim, Komisija je utvrdila da ponuda ponuđača MOON d.o.o. Zenica broj:09-07-25/2 od 09.07.2025.godine ne ispunjava uslove tražene Tenderskom dokumentacijom, te je

kao takva za ugovorni organ neprihvatljiva iz kojeg razloga se navedeni ponuđač u skladu sa članom 68. stav 4. tačka i) ZJN BiH isključen iz dalje kvalifikacije za Javnu nabavku informatičke opreme.

U postupku ponovnog pregleda i ocjene Ponude ponuđača C Servis d.o.o. Sarajevo broj:250702-01/MJ od 02.07.2025.godine, Ponude ponuđača Printex d.o.o. Sarajevo broj:24/25 od 10.07.2025.godine i Ponude ponuđača Kamer Commerce d.o.o. Sarajevo broj:1044/25 od 09.07.2025.godine, Komisija konstatuje da su ponude navedenih ponuđača formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

Budući da je za navedenu nabavku predviđeno provođenje e- Aukcije, Komisija se u odnosu na prihvatljive ponude pismeno obratila Sektoru za finansije i javne nabavke radi ponovnog provođenja e- Aukcije, nakon čega je zaprimljen Izvještaj o toku i završetku e- Aukcije broj:1412-1-1-159/25 od 03.11.2025.godine za Javnu nabavku informatičke opreme, iz kojeg proizilazi da su prema konačnoj rang listi ponuđača koji su učestvovali u e-Aukciji ponuđač PRINTEX d.o.o. Sarajevo za navedenu nabavku ponudio najnižu ukupnu cijenu u iznosu od 204.500,00 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija predlaže da se u skladu sa članom 70., ZJN BiH za Javnu nabavku informatičke opreme, donese Odluka o izboru najpovoljnijeg ponuđača i ugovor dodijeli ponuđaču PRINTEX d.o.o. Sarajevo, prema Ponudi broj: 24/25 od 10.07.2025.godine, nakon provedene e-Aukcije po ukupnoj cijeni u iznosu od 204.500,00 KM bez PDV-a.

Razmatrajući prijedlog Komisije, v.d direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- ponuđačima
- u spis


V.D. DIREKTOR
(Načelnik SKP-a)
GLAVNI INSPEKTOR
Vahidin Munjić
